

**НОХЧИЙН РЕСПУБЛИКИН ДЕШАРАН А, ИЛМАНАН А МИНИСТЕРСТВО
ТИЕТОЪХНАЧУ КОРМАТАЛЛИН ДЕШАРАН
ПАЧХЪАЛКХАН БЮДЖЕТАН УЧРЕЖДЕНИ
«НОХЧИЙН РЕСПУБЛИКИН ДЕШАР КХИОРАН ИНСТИТУТ»**

**НОХЧИЙН РЕСПУБЛИКИН ДЕШАРАН А, ИЛМАНАН А МИНИСТЕРСТВО
ПАЧХЪАЛКХАН КАЗЕННИ УЧРЕЖДЕНИ
«НОХЧИЙН МЕТТАН ИНСТИТУТ»**

**Коьртачу ишколан
5–8 классашна лерина
«ЙЕШАР» проект кхочушйаран
нохчийн меттан,
литературин хьехархочун
белхан алгоритм**

Галашо:

5–8 классийн дешархойн нохчийн меттан, литературин хаарш (дешаран ардамаш) кхиоран кепаш кхачаме йалор:

– дешнаш, предложенеш, шайн барамца 90 дашал кIезиг а, 100 дашал сов а йоцу тексташ нийса схъайазйан (5-чу классийн дешархошна);

– дешнаш, предложенеш, шайн барамца 100 дашал кIезиг а, 110 дашал сов а йоцу тексташ нийса схъайазйан (6-чу классийн дешархошна);

– дешнаш, предложенеш, шайн барамца 110 дашал кIезиг а, 120 дашал сов а йоцу тексташ нийса схъайазйан (7-чу классийн дешархошна);

– дешнаш, предложенеш, шайн барамца 120 дашал кIезиг а, 140 дашал сов а йоцу тексташ нийса схъайазйан (8-чу классийн дешархошна);

– йеллачу тема йешначу текстан буха тIехь, произведенин чулацамца догIуш, 5–8 предложенел кIезиг доцу йозанан аларш хIитто (5–6 классийн дешархошна);

– йеллачу тема йешначу текстан буха тIехь, произведенин чулацамца догIуш, 8–10 предложенел кIезиг доцу йозанан аларш хIитто (7–8 классийн дешархошна).

Нохчийн меттан, литературин хьехархочун болх кхочушбарехь рекомендацеш

1. Нохчийн меттан, литературин тIетоьхна белхаш кхочушбархьама дешархошкахь хила деза хIокху барамехь тетрадаш:

№	Предмет	5–8 классаш
1	Нохчийн мотт	1 тетрадь
2	Нохчийн литература	1 тетрадь

Дешархоша пайдаоьцу 12–18 кехатах лаьттаху шуьйра моIанаш долчу стандартни тетрадех.

Предметан тетрадь цIена лело деза. Цуьнан мужалта тIехь хила дезачу йозанан кеп:

Соблжа-ГIалин № 5 йолчу гимназин

7 А классан дешархочун

Эскиева Асетан

нохчийн меттан

тIетоьхначу белхийн тетрадь

Комсомольскера йуккьерчу ишколан

6 В классан дешархочун

Адамов Аюбан

нохчийн литературин

тIетоьхначу белхийн тетрадь

2. Нохчийн меттан тӀетоьхна белхаш вовшахтохар кхочушдо кӀиранах цкъа.

КӀиранан хьалхарчу урокехь 5-чу классийн дешархошна шен барамца 90 дашал кӀезиг а, 100 дашал сов а йоцу текст ло цӀахь схьайазйан. 6-чу классийн дешархошна шен барамца 100 дашал кӀезиг а, 110 дашал сов а йоцу текст ло цӀахь схьайазйан. 7-чу классийн дешархошна шен барамца 110 дашал кӀезиг а, 120 дашал сов а йоцу текст ло цӀахь схьайазйан. 8-чу классийн дешархошна шен барамца 120 дашал кӀезиг а, 140 дашал сов а йоцу текст ло цӀахь схьайазйан.

Цу дийнахь дешархошна нохчийн меттан урокехь цӀахь кхочушбан цхьаннал сов йозанан болх ца ло, оьшуш хилахь Ӏамийнчу темина тӀетоьхна цӀера болх бала йиш йу барта кхочушбан: бакьо Ӏамо, и. д. кх. а. ТӀейогӀучу дешаран урокехь дешархоша болх кхочушбина а, таллам бан дӀабелла а хила беза. Хьехархочо дешархойн белхаш толлу. Маххадоран критерешца йогӀуш, тетрадаш тӀе оценкаш хӀиттайо. ТӀедогӀучу кӀиранахь тетрадаш дешархошка дӀало керла болх кхочушбайта.

Билгалдаккхар. *Кечийнчу кеп тӀера схьайаздар – тӀера схьайазйан луш йолу текст, эллаш йукъахдитина доцуш, тӀетоьхна тӀедахкари доцуш хила йеза; оцу белхан Ӏалашо йу, Ӏалаташ а, талхори а доцуш, текст нийса схьайазйар.*

Схьайаздаран йацйина алгоритм.

1. *ДӀайеша предложени, иза йуха дагахь схьайийца.*
2. *ДӀайеша предложени кхин цкъа а, иза йазйина ма-йарра.*
3. *Предложени дӀайазйеш, хӀора дош деша хьайна дагахь ма-латтара.*
4. *Йазйинарг талла. ХӀора дош деша. Текст схьайелла, йазйинарг текстаца йуста.*

3. Нохчийн литературин тӀетоьхна белхаш вовшахтохар кхочушдо кӀиранах цкъа.

КӀиранан шолгӀачу урокехь 5–6-чуй классийн дешархошна цӀахь кхочушбан безачу йозанан белхан тӀедиллар ло билгалйаьккхинчу темина йешначу текстан буха тӀехь йозанан алар хӀотто. Алар 5–8 предложенел кӀезиг доцуш хила деза.

7–8-чуй классийн дешархошна цӀахь кхочушбан безачу йозанан белхан тӀедиллар ло билгалйаьккхинчу темина йешначу текстан буха тӀехь йозанан алар хӀотто, 7–8-чуй классашкахь алар 8–10 предложенел кӀезиг доцуш хила деза.

Цу дийнахь дешархошна нохчийн литературин урокехь цӀахь кхочушбан цхьаннал сов йозанан болх ца ло, оьшуш хилахь Ӏамийнчу темина тӀетоьхна цӀера болх бала йиш йу барта кхочушбан: произведени къастош йешар, чулацам схьабийца кечамбар, и. д. кх. а. ТӀейогӀучу литературин урокана дешархоша болх кхочушбина а, таллам бан дӀабала кийча а хила беза. Хьехархочо дешархойн белхаш толлу. Маххадоран критерешца йогӀуш, тетрадаш тӀе оценкаш хӀиттайо. ТӀейогӀучу литературин урокехь тетрадаш дешархошка дӀало керла болх кхочушбайта.

4. Нохчийн меттан белхан маххадоран критереш

№	Класс	Толлу хаарш	Маххадоран критереш
1	5	Дешнаш, предложенеш, шайн барамца 90 дашал кIезиг а, 100 дашал сов а йоцу тексташ нийса схьайазйан	Белхан мах хадабо цхьана оценкица Оценка «5» хIоттайо цхьа а гIалат доцчу балхана, ткъа иштта цу тIехь 1 доккха доцу орфографически йа 1 доккха доцу пунктуационни гIалат далийтинехь. Оценка «4» хIоттайо 2 орфографически а, 2 пунктуационни а гIалат далийтинехь, йа 1 орфографически, 3 пунктуационни гIалат йа, цхьа а орфографически гIалат доцуш, 4 пунктуационни гIалат далийтинехь. Оценка «4» хIотто йиш йу 3 орфографически гIалат далийтинехь, нагахь царна йукъахь цхьана бакъонна гIалаташ делахь. Оценка «3» хIоттайо 3–5 орфографически а, 4 пунктуационни а гIалат далийтинчу балхана. Оценка «3» иштта хIотто йиш йу 6 орфографически а, 6 пунктуационни а гIалат далийтинехь, нагахь царна а, вукхарна а йукъахь доккха доцу а, цхьана бакъонна а гIалаташ делахь. Оценка «2» хIоттайо, нагахь балха тIехь гIалаташ оценка «3» хIотторан барамал сов делахь
2	6	Дешнаш, предложенеш, шайн барамца 90 дашал кIезиг а, 100 дашал сов а йоцу тексташ нийса схьайазйан	Белхан мах хадабо цхьана оценкица Оценка «5» хIоттайо цхьа а гIалат доцчу балхана, ткъа иштта цу тIехь 1 доккха доцу орфографически йа 1 доккха доцу пунктуационни гIалат далийтинехь. Оценка «4» хIоттайо 2 орфографически а, 2 пунктуационни а гIалат далийтинехь, йа 1 орфографически, 3 пунктуационни гIалат йа, цхьа а орфографически гIалат доцуш, 4 пунктуационни гIалат далийтинехь. Оценка «4» хIотто йиш йу 3 орфографически гIалат далийтинехь, нагахь царна йукъахь цхьана бакъонна гIалаташ делахь

			Оценка «3» хІоттайо 3–5 орфографически а, 4 пунктуационни а гІалат далийтинчу балхана. Оценка «3» иштта хІотто йиш йу 6 орфографически а, 6 пунктуационни а гІалат далийтинехъ, нагахъ царна а, вукхарна а йукъахъ доккха доцу а, цхъана бакъонна а гІалаташ делахъ. Оценка «2» хІоттайо, нагахъ балха тІехъ гІалаташ оценка «3» хІотторан барамал сов делахъ
3	7	Дешнаш, предложенеш, шайн барамца 100 дашал кІезиг а, 110 дашал сов а йоцу тексташ нийса схъайазйан	Белхан мах хадабо цхъана оценкица Оценка «5» хІоттайо цхъа а гІалат доцчу балхана, ткъа иштта цу тІехъ 1 доккха доцу орфографически йа 1 доккха доцу пунктуационни гІалат далийтинехъ. Оценка «4» хІоттайо 2 орфографически а, 2 пунктуационни а гІалат далийтинехъ, йа 1 орфографически, 3 пунктуационни гІалат йа, цхъа а орфографически гІалат доцуш, 4 пунктуационни гІалат далийтинехъ. Оценка «4» хІотто йиш йу 3 орфографически гІалат далийтинехъ, нагахъ царна йукъахъ цхъана бакъонна гІалаташ делахъ. Оценка «3» хІоттайо 3–5 орфографически а, 4 пунктуационни а гІалат далийтинчу балхана. Оценка «3» иштта хІотто йиш йу 6 орфографически а, 6 пунктуационни а гІалат далийтинехъ, нагахъ царна а, вукхарна а йукъахъ доккха доцу а, цхъана бакъонна а гІалаташ делахъ. Оценка «2» хІоттайо, нагахъ балха тІехъ гІалаташ оценка «3» хІотторан барамал сов делахъ
4	8	Дешнаш, предложенеш, шайн барамца 120 дашал кІезиг а, 140 дашал сов а йоцу тексташ нийса схъайазйан.	Белхан мах хадабо цхъана оценкица Оценка «5» хІоттайо цхъа а гІалат доцчу балхана, ткъа иштта цу тІехъ 1 доккха доцу орфографически йа 1 доккха доцу пунктуационни гІалат далийтинехъ. Оценка «4» хІоттайо 2 орфографически а, 2 пунктуационни а гІалат далийтинехъ, йа 1 орфографически, 3 пунктуационни гІалат йа, цхъа а орфографически гІалат доцуш, 4 пунктуационни гІалат далийтинехъ.

		Оценка «4» хІотто йиш йу 3 орфографически гІалат далийтинехъ, нагахъ царна йукъахъ цхъана бакъонна гІалаташ делахъ. Оценка «3» хІоттайо 3–5 орфографически а, 4 пунктуационни а гІалат далийтинчу балхана. Оценка «3» иштта хІотто йиш йу 6 орфографически а, 6 пунктуационни а гІалат далийтинехъ, нагахъ царна а, вукхарна а йукъахъ доккха доцу а, цхъана бакъонна а гІалаташ делахъ. Оценка «2» хІоттайо, нагахъ балха тІехъ гІалаташ оценка «3» хІотторан барамал сов делахъ
--	--	--

5. Нохчийн литературин маххадоран критереш

№	Класс	Толлу хаарш	Маххадоран критереш
1	5-6	Билгалйаьк-кхинчу темина йешначу текстан буха тІехъ, произведенин чулацамца догІуш, 5–8 предложенел кІезиг доцу йозанан алар хІотто	1. Алар темица догІуш хилар, тема схъайеллар 2 б. – алар темица догІуш ду, нийса жамІаш чулоцу. 1 б. – алар темица йукъ-кара догІуш ду/тема йукъ-кара схъайиллина. 0 б. – алар темица догІуш дац. 2. МаьІнин цхъаалла. 1 б. – алар маьІнин цхъааллица къаьсташ ду. 0 б. – аларехъ маьІнин цхъаалла йац, алар шеца маьІна долуш дац. 3. Къамелан говзалла а, нийса хилар а. 2 б. – алар къамелан говзаллин а, меттан гІирсаш нийса харжаран а лехамашца догІуш ду, къамелан гІалаташ дац. 1 б. – алар къамелан говзаллин лехамашца догІуш ду, амма къамелан гІалат йа меттан гІирсаш харжарехъ доккха доцу кхачамбацар далийтина. 0 б. – алар дешнийн хъал къен хиларца къаьсташ ду, къамелан гІалаташ далийтина. Лаккхара балл – 5 балл <i>Белхан маххадорехъ тидаме эца беза аларан барам, нагахъ барам хила безачул лахара белахъ, йаьхначу баллаш тІера цхъа балл дІайоккху</i>
2	7-8	Билгалйаьк-кхинчу темина йешначу	1. Алар темица догІуш хилар, тема схъайеллар 2 б. – алар темица догІуш ду, нийса жамІаш чулоцу.

	текстан буха тІехъ, произведенин чулацамца догІуш, лаххара а 8–10 предложенел кІезиг доцу йозанан алар хІотто	1 б. – алар темица йукъ-кара догІуш ду/тема йукъ-кара схъайиллина. 0 б. – алар темица догІуш дац. 2. МаѡІнин цхъаалла. 1 б. – алар маѡІнин цхъааллица къаѡсташ ду. 0 б. – аларехъ маѡІнин цхъаалла йац, алар шеца маѡІна долуш дац. 3. Къамелан говзалла а, нийса хилар а. 2 б. – алар къамелан говзаллин а, меттан гІирсаш нийса харжаран а лехамашца догІуш ду, къамелан гІалаташ дац. 1 б. – алар къамелан говзаллин лехамашца догІуш ду, амма къамелан гІалат йа меттан гІирсаш харжарехъ доккха доцу кхачамбацар далийтина. 0 б. – алар дешнийн хъал къен хиларца къаѡсташ ду, къамелан гІалаташ далийтина. Лаккхара балл – 5 балл <i>Белхан маххадорехъ тидаме эца беца аларан барам, нагахъ барам хила безачул лахара белыхъ, йаьхначу баллаш тІера цхъа балл дІайоккху</i>
--	--	---

Баллаш пхеабаллан тІегІане йахар

Баллийн барам	Оценка
5 б.	5
4 б.	4
3 б.	3
0–2 б.	2

Четверть йа триместр чекхйолуш, тетрадаш тІе хІиттийна оценокш вовшахтухий, йуккъера балл билгалйоккху. Иза журнал тІехъ четвѡртан йа триместран оценки хъалха йолчу колонки чу дІахІоттайо.

Йуххедиллар 1

Массо а дешархочунна цIахь схьайазйан луш йерг цхьа текст йу.

ТЕКСТАШ 5 КЛАСС

1. Схьайазйе текст.

Мархаш йу стиглахь бодане лаьтташ. Кхин гуш дац бIаьстенан олхазарш. Сингаттаме йека дитта тIехь кьиг. Гуьйренан шийла мох хьобкху. Гергакхочуш ду оьгIазе, амма хаза Ia.

Эххар а охьадили доккха, бамба санна, кIайн ло. Цо дерриг а латта дIахьулди. Дитташ а, цIенош а кечдели, кIайн куйнаш техкина. Шелоно а шен болх дIаболий. Цо кегийчу а, даккхийчу а хишна тIеш тохку, дитташ, кораш кечдо исбаьхьчу суьрташца. Махо дIакхехьначу лайх хилла баьрзнаш лаьтта гобаьккхина.

Iаьн тIехь дуккха а бу йуьртарчу бахархойн белхаш. Ткьа бераш а ца Ia мукьа. Цара олхазаршна йуург таса меттигаш кечйо.

2. Схьайазйе текст.

Со Орган тIе чIерий леца оьхура. Орга Iаламат чехка хи ду. Цуьнан цхьайолу меттигаш мелла а кIорга а, тийна а карайо. Уьш чIерийлецархочунна мIара богIа тамехь йу.

Дика меттиг карийра суна цхьана дийнахь. МIера тIе нIаьна а боьллина, хи чу тесира ас иза. Дукха хан йалале сан мIара дIасахьебан болийра. Ас хьалатоьхча, чIара бара цунна тIехь.

Жима айма йира ас сайна. Цу чу хийцира айса лаьцна чIара.

Цу дийнахь кхин а лийцира ас чIерий. Уьш а айми чу хийцира.

Дика меттиг хиллера суна карийнарг. Цул тIаьхьа сой, сан ваший кест-кеста вьдура цига.

3. Схьайазйе текст.

Iалам! И дош доца делахь а, шен чулацам кIорггера болуш ду. Адамийн а, дийнатийн а, бецийн а, хьаннийн а дахар Iаламах хаьдда хила йиш йолуш дац. Лаьттахь долу дахар Iаламах дозуш, Iаламо латтош а ду. Шен кьайленах дуьззана, массо а хенахь шен хаза мур болуш ду Iалам.

Самукьане, хаза бIаьсте чекхйаьлла йолуш лаьттара. ТейогIуш йара беркате, йовха аьхке. Иза адамашна уггаре а каде мур бу.

Массо а акхарой, олхазарш, шайн бIаьста дуьненчу йевлла кIорнеш кхиош, Iалашйеш, уьш когайохуьйтуш, синтем боцуш лелара. БIаьста санна, эшарш льобкхуш, ловзуш лела йиш йацара церан.

4. Схъайазйе текст.

Органан шоралла тѣхула долчу сераш тѣхъ кѣац йацара. Цхъана сера тѣе йеана чѣгѣаг хиира. Жимма цу тѣхъ а йийна, йуха хъала а гѣаьттина, дѣайахара иза. Амма дукха хан йалале, шеца кхо-йиъ чѣгѣаг а йолуш, йухайеара. Чѣгѣагаш могѣара сераш тѣе охъахевшира.

Дукха хан йалале схъагулделира тайп-тайпана олхазарш. Цара дѣалецира серийн кхо га.

Сераш тѣе олхазарш гулдаларан а шен бахъана дара.

Буьйса а, Гуьйре а шийла хилча, Органан хи хѣаваал мела хуьлу. Цу тѣера Іаь гѣуьттуту. Цо Орган тѣхула долу хѣаваъ малдо, цундела сераш тѣхъ кѣац ца соцу. «Хъекъал» долуш йолчу чѣгѣагашна иза хаа а хиъна, цара даьккхинера и орца.

5. Схъайазйе текст.

Іаьнан шийла зама. Ша хъаькхначу арахъ когаш шершара. Гѣийлачу боларца хи дохъуш йогѣура цхъа йоккха зуда. Гу тѣе хъалайолуш, галъйелира иза. Когаш шершаш саца а ца йелла, охъакхийтира зуда. И гира ша тѣхъ ловзуш волчу Іумарний, Мохъмадний. Іумар велавелира. Цунна оьгѣазваханчу Мохъмада бехк баьккхира. Тѣаккха цо, чехка тѣе а ведда, зудчунна хъалагѣатта гѣо дира. Ведарш йуха дуза а дуьзна, уьш цѣа а даьхъира. Зудчо доккха баркалла элира кѣантана.

Шолгѣачу дийнахъ хъехархочо дикачу амалех лаьцна къамел дира берашка. Йерриг класс дѣатийнера. Хъехархочо дийцира Мохъмада селхана зудчунна гѣо дарх лаьцна. Цу зудчо кехат даийтина хиллера цуьнга.

6. Схъайазйе текст.

Хаза лаьттина йовха аьхке чекхйолуш йара. Аьхке чекхйаларх-м Іалам а, адам а саготта дацара. Тѣекхочуш берг токхе мур бара – гуьйре! Уггар хъалха гуьйре тѣекхочуш хилар хаййтира мангалхоша. Гуьйранна ахъ ладоьгѣча, хезаш хуьлура нуьйжи тѣхъ жѣаьвнаца цара тусуш долчу мангалийн татанаш.

Гуьйре йола цхъа кѣира хъалха тохайелира кертарчу дозанехъ йолу балгаш зазадаккха. Уьш жим-жима йеллалуш лаьттара.

Билггал гуьйре тѣекхочуш хилар гойтуш, аьхкенам тѣаьххьарчу деношкахъ стиглара схъа некъан узамца хаам бира гѣаргѣулеша. Уьш, кхо са болчу могѣанца жут нисйина, кѣилбехъа довхачу мехкашка Іа даккха йоьлхуш йара.

Кест-кеста дуькъа дохк хѣуттура, дерзаш а догѣура.

6 КЛАСС

1. Схъайазйе текст.

Оыҕазе шок йетташ, кыйлбаседехъара схъахъекхна шийла мох эчна, дҕадахара буърса Іа. Дешна, хи а хилла, дҕаделира лаьмнашца Іиллина ло. Шийлачу, безачу мохъах парҕатдаьлла Іалам, сийна духар духуш, кечделла дҕаҕоьттира.

Баьстенан бовхачу малха кҕел мелачу махо тулҕенашца техкайора сийначу дитташий, бес-бесарчу зезагашый кьарзыйна раьҕнаш. Мотталора, самадевлла зезагаш, шайн дҕасатехкарца вовшашка кортош лестош, вовшийн хьобстуш, кьамеле девлла. Оцу хазачу Іаламе хьажа а, цунах марзо эца а ҕерташ санна, гуобаьккхина дашо зҕаьнарш а йаржийна хьобжу малх эсала белакъежара. И исбаьхьа Іалам, и хаза баьсте декьалйеш, цуьнга маршалла хьоттуш санна, шабарш деш, самукъане эшарш лобкхуш, шакарш йетташ хьаннашкахь декачу олхазарийн зевнечу аьзнаша дуьзнера ламанан цҕена хҕаваь.

2. Схъайазйе текст.

Аьхкенан цхьана довхачу дийнахь, бабас бийцина ирсан тҕулг лаха даха дагадеара берашна. Даша ца дайта, хечин когаш хьала а карчийна, когаш Іуьйра волу кхо кҕант лаьмнашкахьа хьалавахара.

Оцу дийнахь хи чуьра дукха тҕулгаш лехыйра бераша. Седа санна хьаьначу хи чохь уьш дерриш а, жовхҕарш санна, лепара. Цҕен, можа, сийна, баьццара, кҕайн, Іаьржа долуш, зезагаш санна, хаза дара уьш дерриш а, амма ирсан тҕулг царах муьлха бу, царна ца хаьара. Черий лобцуш, ловзуш, лубйчуш, самукьадаьлла лелла, сарахь цҕа кхечира бераш.

Хҕетахь дуьйна хийла шераш дҕадевлла. Ирсан тҕулг ца карийра Микина а, цуьнан жималлин доттаҕашна а. Хҕинца-м хаьа Микина ирсан тҕулг каро атта доцийла а, иза хин бердашца лиэха ца безийла а.

3. Схъайазйе текст.

Акха цицигаш дуьххьара суна девзира Казахстанехь. Цигахь дерш а, вайн махкахь дерш а вовших башха дукха кьаьсташ дац. Уьш мелла а овкьаран бос болуш, ул-уллехь Іаьржо бос болу моханаш йолуш ду. Уьш вайн махкахь долчу цицигел мелла а кегий ду.

Цхьана дийнахь со акхачу цициган кҕорнешна тҕенисвелира. Царах самукьадаьлла, хьобжуш лаьттира со. Цхьаь сайна схьаэца куьг тҕехьошшихь, мичара дели ца хууш, схьаиккхина, хьалхарчу шина коган мҕарашций, цергашций сан куьйгах таса а делла, кхозаделира иза, ас сайн вукху куьйгаца озийча а, дҕа ца хьоцура цо. Таккха ас коьртах шозза буй тоьхча, дҕахийцира. Куьг вуно чҕоҕа лазийнера цо сан, цҕий гучу а доккхуш, чкьор а хедош. Ша дехь а, шен кҕорнешна тҕехҕуттур долуш хиллера и.

4. Схъайазйе текст.

Пхи шо дара сан, Іаьнна кечйинчу алах сан вашас цІе тесча. Цхъана сарахъ тхойшиъ сирникех ловзуш вара, вовшашна уыш, лета а йеш, тІеттІа кхуьйсущ.

Сан ваша, сол ши шо воккхахволу, и ловзар кІорда а дина, ала тІе сирникаш кхийса хІоьттира. Аса мохъ хьоькхура, саца бохуш. ЦІе эххар а марсайелира, тхойшинга дІа а ца йайъалуш.

Тхойшиъ, божалан тхов тІе а ваьлла, дІалечкъира, хъерайаьллачу цІаре а хьоьжуш. Йол дукха йара, арц санна, ирх а йахана, рагІу санна, йехха йоьттина. Маьхъарий дара тхойшинна хезаш, тхан да а, девежарий а, лулахой а болуш йукъахъ. Тхан дас мохъ беттара, йол йитий, ши кІант схъалаха бохуш. Со воьлхуш а хезна, дас тхов тІера охъаваьккхира тхойшиъ.

5. Схъайазйе текст.

Хъажмурд шен шийтта шо кхочучу хенахъ дегІана эгІаза, амма вуно тІах-аьлла а, хьуьнар долуш а кІант вара. Жима велахъ а, чохъ а, кертахъ а, ишколехъ а дечу гІуллакхана тІера вара иза. Шен хене а, дегІан ницкъе а хъаьжжана, тІедиллина гІуллакх, мало а ца йеш, дика кхочушдора цо. Цуьнга балун болчу балха тІера йухайизош, кхоа ца вора иза дас.

Ишколехъ кьинхъегаман урокаш доккхачу хьуьнарца, кхиамца кхочушйора Хъажмурда. Ишколан куьйгалхоша, Сийлаллин грамота а луш, къастош билгалваьккхира иза. КІант дика кхиорна цуьнан денй, нанний баркалла а элира.

Урокашкахъ дика ладугІуш а, кхета гІерташ а хиларе терра, дешар дика хаъара Хъажмурдана. Девне воцуш, шайца уьйр йолуш хиларна берашна дукхавезара иза. Даима цуьнан векхавелла хиларо а гойтура, даг тІехъ мекха йоцуш, догцІена иза хилар.

6. Схъайазйе текст.

ЧІогІа хазачу гІутакх чохъ Іашурина цхъамма совгІатна къоламаш деллера. ГІутакхан негІар тІехъ диллина стелаІодан сурт дара, ворхІ тайпана бос а болуш. Іашурина къоламаш чІогІа хазаетара, цо уыш, кхоош, наггахъ бен ца леладора.

Цхъана Іуьйранна къоламаш чохъ долу гІутакх схъадиллира йоІа. Схъайцира баьццара бос болу къолам. Цуьнца бецан сурт диллира. ТІаккха боьмашниг схъайцира. Цуьнца йоьІан сурт диллира, цхъа хаза бой коьртахъ а йолуш. ЦІечу къоламца цу баьццарчу арен тІехъ шортта петІаматан зезагаш дехкира. Йуха Іашурас сийначу къоламца хІорд биллира, цу тІехъ Іаьржачу къоламца хІордан кеманаш а дохкуш. Можачуьнца малх биллира.

Массо а кьоламах пайдаэца хиира йоІана. Лекха лаьмнаш, можа малх, сийна хІорд, баьццара аренаш, хьаннаш йара цуьнан суьрташ тІехь.

7 КЛАСС

1. Схьайазйе текст.

ЧІогІа сатеснера бераша біаьсте йаларе. Арахь ло Іуьллура. Шелонна пепнаш лелхаш хезара буса. Амма, пана лела мархаш санна, сихо йоцуш дІаохура дахделла денош, беттанаш. Бекарг баттахь дуьйна наггахь гучуболура малх. Оханан баттахь ло даша доладелира. Ламанан басешкара хьаьвдда догІура зевне татолаш. Іаржделлачу лайн кескаш, лазийнчу саьрмикан меженаш санна, худалуш, текхаш, Іаннашка дІайахара. Иштта дегош, хІинцца хІоа чуьра даьлла кІорни санна, хебаш, лаьмнашкахь хІинца а Іуьллучу лай кІелара хьалагІертара ховха лайн зезагаш.

Басешкара хьаьвдда догІу біаьстенан хиш севчича, тогІи чохь йолу хьун, чІенигаш а йаьтгІа, сийна-баьццара бос эцна, кьонйелла дІахІоьттира.

Баганан, базанан, докхан луьста хьун йаьллачу лаьмнашкара схьахезачу олхазарийн самукъанечу аьзнашка ладоьгІуш, Йоккхачу Бабин ирсан тІулгах долчу дийцаран ойла а йеш, терхи тІехь Іара Мика.

2. Схьайазйе текст.

Ша балхара мукъа волчу хенахь жІаьла цхьацца гІуллакхаш кхочушдан Іамо волавелира Асхьаб. Шега де бохучух атта кхеташ долчу жІаьлина, дукха хан йалале Іемира шега буьйр дича тІедан а, улло деана охьахаа а, дІадижа а, хьалагІатта а, такха а. Кхин а масане дара уьш, цо кхочушдеш долу гІуллакхаш. Салман шен доттагІчух дозалла дина а ца волура.

Аьхкенан заманчохь, де дохделча, гена доцуш догІучу хи тІе лийча воьдура Асхьаб, Салман а оьций. КІантана чІогІа хазахетара хи чохь. Амма цкъа а шен доттагІ доцуш ца воьдура кІант цига.

Айми чу а волий, берда йистехь лаьтташ долчу Борзике шена тІекхойкхура кІанта. Ша долччуьра кхоссалой, цинцаш дІаса а кхуьйсун, хи чу эkkхара жІаьла. Иза шена улло кхоччушехь, шина а куьйга цунна хи детта волалора Салман.

3. Схьайазйе текст.

ТІай тІехула чекх а ваьлла, новкъа хьалавоьдуш волу со мелла а вохвеллера. Ткъа аьтту агІор Іин чухула, хазачу мукъамехь декаш, охьаохура дагна хьоме Хулхуло. Когаша, цхьа ша-шаха оцу аьтту агІор дІа а верзийна, басах чувоссийра со...

Корта тІулга тІе а биллина, хина дуьхьал вирзина, вехха Іиллира со. Аьхкенан довхачу дийнахь гІеххьа малделлачу хин кегийчу тулгІеша эсала хьоьстура дегІ. Меллаша хи чуьра хьала а шершина, гомхачу берда йистехь, гаьннаш а охкийна лаьттачу бІаран ІиндагІе корта а буьллуш, аркьалнехьа бай тІе дІанисвелира со. ДІакхевдина сайн тІоьрмиг коьрта кІел нисбина, бІаьргаш хьабдира ас. Жимма Іийча суна, хаа а луш, наб озийра. Суна хІинца дага ца догІу, хІун гІан-набарш хьаьвзира гонаха. Малхо дегІ боддина, керчина ха харца а карах ца долуш, Іуьллура со.

4. Схьайазіе текст.

Йерриге а гІопа чохь дукха ца йисинера шайн долахь говраш. Уьш а комиссис ца магош йисинарш йара. Царах цхьаь тхайниг йара. Ханна йоккха хиларал совнаха, аьрру бІаьрга тІехь кІай долуш а йара Расха. Говрана Іуналла дар Іийсаний, суний тІехь дисинера. Со цІахь воцчу шина баттахь говре хьожуш хиллачу Іийсас хІинца, со цІа кхачна аьлла, говр башха тергал а ца йора. Шен карахдаьлча, наггахь докьаран цІов-м тосура цо, ткьа суна Расха дукхайезара.

Хьекьал долуш говр йара иза. Шега кхайкхича, тІейогІура, шега бехча, ког а кховдабора, сан керайуккьера шекар а, кампет а дІаоьцура цо. Геннара со шена гича а, терсаш, шена тІевоьхура цо со. Йа, ша йаьстина хилча, йодий суна тІе а йогІий, шен корта сан белша тІе буьллура Расхас.

5. Схьайазіе текст.

Іуьйранна араваьлла ахь ладоьгІча, дуьйцийла доцуш, самукьадолу. Хьуьнхара схьахезаш тайп-тайпанчу олхазарийн зевне эшарш хуьлу. Вайн хьаннашкахь эшарш хаза йолуш дуккха а олхазарш ду.

Малх схьакхетталц эшарш ца совцайо цара. Мел дукха ладегІарх кІордор доцуш, башха мукьамаш хеза. Малх схьакхетча, жимма са а даьІна, иза чубузуш, эшарийн ловзар йухадолор ду олхазарша. Сахиллалц декаш, шайн хазачу эшаршца буьйса новкьайоккху цара.

Цу олхазаршна йукьахь адамашца уггар чІогІа гергарло долуш а, кьардайна а хиларца билгалдаьлла ду мокха хьоза. Кор диллина хилча, корак чудогІий а, рагІу кІелахь лаьттачу пхьегІаш чу хьожий а, шена амал бо цо. Цу олхазаро деш дерг доккха зен дац, цо бечу пайдане хьаьжча. Стоьмаш тІехь хуьлуш долу зуламе нІаьний даош кІорнеш кхабарна, Іалашдан деза и башха олхазар.

6. Схъайазйе текст.

Тхан куьпахъ вовшахкхетий, даима ловзуш хуьлура бераш. Цхъацца дуьйцуш, нагтахъ кыйсамаш хуьлура церан. Ша-ша бакъ хеташ, кыйсам кIаргбелча, Гоцига хоттура бераша.

Бакъверг а, харцверг а къастош, Гоцис аьллагун тIехъ кыйсам чекхболура. Бераш тешара цо аьллагух. Цунах тамаш бойла а дацара, хIунда аьлча массарна а иза билгалваьллера бакълуьйш хиларца.

Цхъана дийнахъ ловзуш дохкучу берашна тIе а веана, уьш чехадора воккхачу стага ИбрахIима, цара шен куьзганан бIаьрг бохийна бохуш. Гоцис шена тIелецира бехк.

– Ахъа бохийнехъ, хIумма а дац. Хъайна хууш дийр дац ахъа и санна дерг, – аьлла, дIавахара воккха стаг.

Бераш цец а девлла лаьттара, цо и бехк шена тIелацарх тамаш беш. Куьзганан бIаьрг, бераш ловзуш ца хууш буьрка а кхетта, боьхнера. Гоцис даре ца динехъ, бехк хьенан бу, хуур а дацара.

8 КЛАСС

1. Схъайазйе текст.

Бешахъ болх бина а ваьлла, цIехъа воьгура Тавсолта. Схъавоьгуш гонахарчу Iаламе кест-кеста бIаьрг тухура цо. Цунна йезара ша вина хIара йурт а, шайн дахаран даима теш хилла лаьтта гонахара и лаьмнаш а. Эскиной йоцчохъ, вахар-вар доцург, бутт а ца баьккхинера Тавсолтас.

Чувахале, ша воьгуру новкъара схъа а вирзина, ЦIен-Бердехъа вахара иза; схъахезира масачу Яссин гIовгIа. Гучуйелира маьI-маьIIера бацо сенйина лекхачу бердан цIен тарх. Бердан йистте дIахIоьттира Тавсолта. ТулгIеша аьгна хин йист лахара кегийра чукерчара, амма берд тешаме бара. Цу ЦIен-Бердехъ, Ясси-хин йистехъ, дIаиханера кхуьнан жималла. ХIетахъ, дукха зама хьалха, бердах киртигаш йохуш баьккхинчу новкъа хитIа йоьгура кхунна йезайелла къона Нурбика. Ма товш хуьлура и, гуьлмаьнда а тиллина, кIудал а белша тIехъ хийистехъ лаьтташ, цIечу пошмакхан буьхьиг байн лаьтташ а хьоькхуш!

2. Схъайазйе текст.

Бес-бесара ойланаш туьйсу тIулгаша коьрте а, даг чу а...

Халкъо олу: «Хи дIадоьду, тIулгаш дуьсу». Иза доккха маьIна долуш хIума ду. Тоги чухула охьадоьгуру шовданан хи дац дуьйцург, дерриге а совнаха дерг, дош доцуш довш дерг ду. ТIулгаш дац дуьйцуш дерш,

тоҕешкахъ Іохку. Дерриге а бакъдерг, сийлахъ дерг, стагах къонаха веш дерг ду.

Кху тІехъ аса вовшахдетта гулдина тІулгаш – уыш историн агІонаш, доьналле адамаш, халкъийн уыйраш йу! И тайпа тІулгаш вовшахтоьхча, царах хуьлу шатайпа бІов! Вайн таханалерчу дахаран бІов! ХІора къонахчун кхетаман бІов! И тайпа бІов йутту тІулгаш ахчанах эцалуш дац. Уыш гуллуш ду хъанал некъ буьллучу хІора стеган кхетамехъ. И тайпа тІулгаш алсам гулдаларе терра йу хІора стеган син бІаьвнан локхалла, хазалла, ондалла!

Стенах йутту вай вешан дийцаран бІов? Иза Іаламат исбаьхъа хир йу, массо хІуман тІехъ нийса йуттур йу ала-м хаац. Цуьнан нийсалла, ондалла замано зуьйр йу.

3. Схъайазйе текст.

Дингад – иза дехо дуткъа дегІ а долуш, дехках тера жима экха ду. Луьста ира цергаш йу цуьнан. Кегийра кхоьлина бІаьргаш ду. Цунах нохчаша «цІецайоккхург» олу. «Дингад» аьлла цуьнан цІе йаьккхича, иза кертара дІайоьду олуш ду. Иза кертахъ хилар пайдехъа хета адамашна, хІунда аьлча цо мукдехкий а, дехкий а хІаллакдо.

Дингадан садоІуш хан йан а йац. Буса а, дийнахъ а толлу цо дехкашна. Цхъана дийнахъ-бусий итт-пхийтта дахка буу цо, ша оццул жима йоллушехъ. Ша йуьзча а ца Іаш, дехкий дойбу цо, шена тІаьхъало йеш. Кхин дахка ца карош ша мацІелча, йухайогІу иза, ша тІаьхъалонна дитина дехкий даа. Хаддаза уьдуш леларо мацІо иза, цундела сих-сиха дуу цо пхьор.

И жима экха керта кхаьчначу меттехъ дехкийн хІу дов. Цхъанхъара ша уыш хІаллакдича, кхечахъа дехкий лаха дІадоьду и. Иштта тамашийна экха дух-кх дингад!

4. Схъайазйе текст.

Колхозо йуьртана гена йоцуш, тоҕи чу хи а хецна, бедийн ферма йиллира. Хи тІехъ луьйчуш а, йистошца йежаш а хъалакхиира бедан кІорнеш. Ши эзар сов йара уыш.

Бедаш Іалашйан тІейиллина кхоъ белхало йара. Цара шен хенахъ хІоь а тосура бедашна, бІаьргъІуналла а дора. Буьйсанна бедаш чуйерзо бІаьлланган серий а дуцуш, эрз тІе а тухуш, йина баннаш йара. Сарахъ оцу баннаш чу лохкура и бедаш белхалоша.

Іомана гонаха луьстта коьллаш йара вовшахъийна. И коьллаш хилар бахъана долуш, боккха аьтто бара чаґалкхийн а, цхьогалийн а йуьстахйаьлла бад лаца. Бедаш а къахкош, даррехъ тІекхетта бад лаца ца лаьара акхарошна. ХІилла ма ду цаьргахъ а. И дича коьртахйевр ма йу уыш. ТІаккха хехочо тоьпан цІарца шайн цІока морцур йуйла ма хаьа царна. Цундела, кондарш кІелахъ дІа а лечкхий, гІа меттах ца хъадеш, бедашна къайлаха тебара уыш.

5. Схъайазйе текст.

ДІайахара бераллин хаза хан, тІаьхъайисира ишкол а. Хъалхахъа лаьттара кІезиг девза, чолхе делахъ а, тамашийна дахар. Оцу тІаьххъарчу дешаран шарахъ охашимма дукха ойланаш йора, дахаран муьлхачу новкъа гІуо-техъа вайша бохуш. Бакъду, тхойшинна-м, хъехархо а хилла, ишколе вухаверза лаъара.

Хъехархочун болх бан кхин дІа а деша дезара. Ткъа итт класс чекхйоккхуш ткъаткъа шо хенаш а йолуш, кхин дІа а доьшуш лела воккха хиларна, хъехархочун говзалла Іамо аьтто бацара тхойшиннан. Жима волуш да-нана делла, байлахъ висна шен вежаршца вехачу сан доттагІчун Анзоран хъал кхин а аьтто боцуш дара.

Аттестаташ каракхаьчначу буса тхойшинна наб ца кхийтира. Хазахетаро а, шолгІачу дийнахъ дахаре дуьххъара таса йезачу гІулчо а йайьинера наб. И хъалхара гІулч теси́ра охашимма, тракторна тІаьхъа тийсинчу нахаршца йалтийн аренаш охуш. Иштта дІадоладелира тхойшиннан кьинхъегаман дахар.

6. Схъайазйе текст.

Ширачу заманан тІулгаш... Бес-бесара ойланаш туьйсу цара коьрте. Амма цхъа а ца вуьту сапаргІат. Орца доху цара шайн тийналица. ХІунда хетахъ а, царна гергахъ ша-ша бехке хета. Суна дуккха а гина и тІулгаш лаьмнийн чІожашкахъ, боьранашкахъ, бердийн йистошкахъ. Дуккха а ду замано макхдина и тІулгаш хІинца а бІаьвнийн, гІаланийн пенашкахъ. Кхин а сов йу йоьхначу гІишлойн тІулгийн оьланаш.

Амма шу а ца хета дагна хийра, мокха тІулгаш, шога чарташ... Дайн куьг хьоькху шух, сайн дайн оза́чу беснех санна. Кийра Іаббош чууьйзу шун тІуналла, сайн дайн хъацарш санна. Со цхъаьна ву шуьца, атарх а, вагорх а дІакъасталур воцуш!

Тийналлехъ Іохку шога тІулгаш... Сан генабевллачу дайн дегнаш дохдина, церан паргІато, сий лардина тІулгаш – безам а, мостагІалла а, йамартло а, доттагІалла а, кьизалла а, кьинхетам а хийла гина тешаш.

Йуххедиллар 2.

Йеша магийна литература

5-6 классаш

- 1) Сулаев Мохьмад «Техтохар».
- 2) Бадуев Саьид «Кемсаш».
- 3) Гайсултанов Iумар «КІанталг».
- 4) Саракаев Хьамзат «Ширачу гІопехь».
- 5) Шамсудинов Бувайсар. «Жималлин суьйренаш».
- 6) Саидов Саид-Селим «Мажйелла кехатан цуьрг».

7-8 классаш

- 1) Мусаев Мохьмад «Таймин Бийболат».
- 2) Хамидов Iабдул-Хьамид «Абубешар».
- 3) Айдамиров Абузар «Кхолламан цхьа де».
- 4) Ахмадов Муса «БочIа».
- 5) Бексултанов Муса «Дика ду хьо волуш».
- 6) Хамидов Iабдул-Хьамид «Экзамен хаттар».